



**TOSHKENT DAVLAT YURIDIK UNIVERSITETI REKTORINING
B U Y R U G ‘ I**

2021-yil 30-sentabr

08-271-son

**Ўзбекистон Республикаси Вазирлар Маҳкамасининг
2021 йил 24 сентябрдаги 605-сон қарори ижроси тўғрисида**

Ўзбекистон Республикаси Вазирлар Маҳкамасининг 2021 йил 24 сентябрдаги “Ижара ҳуқуқи асосида яшаётган талабалар томонидан тўланадиган ижара тўловларини қоплаб бериш тизимини жорий этиш чоратадбирлари тўғрисида”ги 605-сон қарори ва Тошкент давлат юридик университети ректорининг 2021 йил 29 апрелдаги “Ўзбекистон Республикаси Президентининг 2021 йил 20 апрелдаги ПФ–6208-сон Фармони ижросини таъминлаш тўғрисида”ги 08-113-сон буйруғида белгиланган вазифалар ижросини таъминлаш, ҳудудлардан келиб таҳсил оладиган талабаларнинг ҳолидан хабар олиш, уларни моддий қўллаб-қувватлаш ҳамда уларга муносиб шарт-шароитлар яратиш мақсадида

БУЮРАМАН:

1. Ўзбекистон Республикаси Вазирлар Маҳкамасининг 2021 йил 24 сентябрдаги 605-сон маълумот ва ижро учун қабул қилинсин.

2. Қарор билан:

Давлат олий таълим муассасаларининг ижара ҳуқуқи асосида яшаётган талабаларига ойлик ижара тўловининг бир қисмини Ўзбекистон Республикаси Давлат бюджети ҳисобидан қоплаб бериш тартиби тўғрисидаги низом тасдиқланганлиги;

давлат олий таълим муассасаларининг фақат кундузги таълим шаклида, давлат гранти ёки тўлов-контракт асосида таҳсил оладиган ва ижара ҳуқуқи асосида яшайдиган барча талабаларга ойлик ижара тўловининг бир қисмини белгиланган мезонлар асосида Ўзбекистон Республикаси Давлат бюджети ҳисобидан қоплаб берилиши белгиланганлиги;

ариза берувчи талаба томонидан ойлик ижара тўловининг бир қисмини қоплаб бериш учун ўзи таълим олаётган факультетга ёки олий таълим

муассасасининг талабаларни турар жой билан таъминлаш ишларини мувофиқлаштирувчи бўлимига ёзма ариза билан мурожаат этиш тартиби белгиланганлиги;

давлат олий таълим муассасаларининг ижара ҳуқуқи асосида яшаётган талабаларига ойлик ижара тўловининг бир қисмини Ўзбекистон Республикаси Давлат бюджети ҳисобидан қоплаб бериш бўйича талабгорларни танлаб олиш комиссияси томонидан талабани ижтимоий мезонлар бўйича ўрганиш ва талабага ойлик ижара тўловининг бир қисмини қоплаб беришни кўриб чиқиши белгиланганлиги;

ижара ҳуқуқи асосида яшайдиган талабага ойлик ижара тўловларининг бир қисмини қоплаб беришни молиялаштириш ва тўлаб бериш тартиби белгиланганлиги.

давлат олий таълим муассасалари томонидан ижара ҳуқуқи асосида яшаётган, бироқ ижара тўловлари ушбу қарорда белгиланган тартибда Ўзбекистон Республикаси Давлат бюджети ҳисобидан қопланадиган талабалар тоифасига кирмайдаган бошқа талабаларнинг ойлик ижара тўлови бир қисмини ушбу олий таълим муассасасининг бюджетдан ташқари маблағлари ҳисобидан қоплаб бериш тартиби олий таълим муассасаси кенгаши томонидан мустақил белгиланиши белгиланганлиги инобатга олинсин.

3. Ариза берувчи талабалардан анкета-аризаларини қабул қилиш учун факультет деканларининг ёшлар билан ишлаш ҳамда маънавий-маърифий масалалар бўйича ўринбосарлари масъул этиб белгилансин.

4. Ижара ҳуқуқи асосида яшаётган талабалар томонидан тўланадиган ижари тўловларини қоплаб беришга тавсия этиш бўйича Тошкент давлат давлат юридик университети (бундан буён матнда – Университет) комиссияси таркиби иловага мувофиқ тасдиқлансин.

5. Факультет деканлари (Ш.Сайдуллаев, Д.Камалова, Б.Хаджаев, Д.Умарханова, А.Бабаджанов):

ижара ҳуқуқи асосида яшаётган талабаларга ойлик ижара тўловининг бир қисмини Ўзбекистон Республикаси давлат бюджети ҳисобидан қоплаб бериш тартиби юзасидан талабалар орасида мунтазам тушунтириш ишларини олиб борсин ва уларнинг мурожаатларини тегишли тартибда расмийлаштириш чораларини кўрсин;

ижара тўловининг бир қисмини қоплаб берилишига талабгор талабаларнинг тегишли ҳужжатларини низом талаблари асосида умулаштирсин ҳамда белгиланган мезонларга мос келишини текширсин;

талабаларга ойлик ижара тўловининг бир қисмини ўқув йили давомида, яъни ҳар йили 1 сентябрдан 1 июлгача этиб белгиланишини, аризалар ҳар ойнинг 7-санасига қадар тақдим этилишини тушунтирсин;

ариза берувчи тақдим этилган ҳужжатлар ва уларда кўрсатилган маълумотларнинг ишончлилиги ва ҳаққонийлиги учун шахсан жавобгар ҳисобланишини талабаларга тушунтирсин.

Талабгор талабалар томонидан белгиланган намунадаги анкета-аризани икки нусхада тўлдирилиши ҳамда қуйидаги ҳолатларнинг камида бирини тасдиқловчи маълумот ёки ҳужжатларни тақдим этилишини алоҳида назоратга олсин:

а) кам таъминланган оилаларнинг фарзандлари бўлганлиги (кам таъминланган оила деб топиш туман (шаҳар) маҳалла ва оилани қўллаб-қувватлаш бўлимлари ёки «Ижтимоий ҳимоя ягона реестри» автоматлаштирилган тизими томонидан қонунчилик ҳужжатларида белгиланган тартибда амалга оширилади);

б) боқувчисини йўқотган кўп болали оилалар (ота-онасидан бири ёки ота-онаси вафот этган ҳамда оилада ўн олти ёшга тўлмаган бешта ва ундан ортиқ болалари бўлган оилалар) фарзандлари бўлганлар;

в) I ва II гуруҳ ногиронлиги бўлган шахслар;

г) тўлиқ давлат таъминотида бўлган етим болалар ва ота-она қарамоғидан маҳрум бўлганлар;

д) васийлик ёки ҳомийлик белгиланган ва оилага тарбияга (патронат) олинган болалар;

е) «Темир дафтар»га киритилган оила фарзанди бўлганлар;

ё) онаси «Аёллар дафтари»га киритилган оила фарзанди бўлганлар;

ж) I ва II гуруҳ ногиронлиги бўлган шахсларнинг фарзанди бўлганлар;

з) оила аъзолари «Меҳнат-миграция» дастурида рўйхатдан ўтганлиги ҳамда хорижда вақтинчалик меҳнат фаолиятини амалга ошираётганлиги;

и) ота-онаси ижтимоий ҳимояга муҳтож бўлганлиги (бандлиги таъминланмаган, ишлаш истагида бўлган, даромад манбаига эга бўлмаган, шу жумладан, меҳнат қилиш қобилиятини қисман йўқотган);

й) олий таълим муассасасида икки ва ундан ортиқ фарзанди шартнома асосида ўқиётган оилалар фарзанди бўлганлар;

к) давлат олий таълим муассасасида ўртак кўрсатганлиги ва фаол бўлганлиги (халқаро, республика, ҳудуд ва таълим муассасаси миқёсида ўтказилган фан олимпиадалари ва спорт мусобақалари, кўрик танловлар ғолиблари, фанлардан ўзлаштириш кўрсаткичлари юқори бўлган, маънавий-

маърифий ва спорт тадбирларида фаол қатнашганлиги, жамоатчилик асосида тарғибот гуруҳларидаги волонтерлик фаолияти).

Белгиланган ижтимоий мезонлар асосида тақдим этилган ҳужжатларни бир ҳафта давомида атрофлича ўрганиб чиқиб, кўриб чиқиш ва хулоса бериш учун университет комиссиясига тақдим этсин.

Ижара ҳуқуқи асосида яшаётган талабаларнинг ижара тўловларини тўлаб бериш билан боғлиқ жараёнларга оид ҳужжатлар ҳамда талабгорларнинг тегишли маълумотларини сақланиши учун университет архивига топширилишини назорат қилсин.

6. Университет комиссияси (А.Ҳашимхонов):

талабгорларни танлаш жараёнини қонунийлик, шаффофлик, адолат ва ҳаққонийлик тамойиллари асосида олиб борилишига алоҳида эътибор қаратсин;

ойлик ижара тўловининг бир қисмини қоплаб бериш ёки беришни рад этиш тўғрисида комиссия махсус реестрини юритилишини ташкил этсин;

ойлик ижара тўловининг бир қисмини қоплаб бериш билан боғлиқ маблағлар давлат бюджетидан тўлаб берилиши ҳамда жавобгарлик мавжудлигини инобатга олиб, барча ҳужжатларни пухта ўрганиш ва барча масъулларнинг бу борадаги фаолиятини назоратга олиш чораларини кўрсин;

факультетлар томонидан тақдим этилган ҳужжатларни белгиланган муддатларда кўриб чиқиб, муносиб деб топилган талабаларни ижара тўловларининг бир қисмини тўлаб бериш бўйича тавсия берсин;

комиссия фаолияти ҳамда талабаларнинг ижара тўловларини тўлаб берилиши ҳолати юзасидан ҳар чорак сўнгида якуний маълумотларни университет ректорига тақдим этиб борсин;

комиссия ҳужжатларини университет архивида белгиланган тартибда сақланишини таъминласин.

7. Проректор (А.Иминов) талабаларга ижара тўловларининг ўз вақтида ва тўғри тўланишини назорат қилиб борсин.

8. Мазкур буйруқ ижроси назоратини ўз зиммамда қолдираман.

Ректор в.в.б.



И. Рустамбеков

Лойиҳа киритди:
Маънавият ва маърифат
маркази директори

Ш. Пўлотов

Келишилди:

Проректор

А. Хашимҳонов

Проректор

А.Иминов

Юридик бюро
катта юрисконсулти

Э. Хосилов

ИЛОВА

**Ижара ҳуқуқи асосида яшаётган талабалар томонидан тўланадиган
ижари тўловларини қоплаб беришга тавсия этиш бўйича Тошент давлат
давлат юридик университети комиссияси таркиби**

А.Хашимхонов	—	Ёшлар масалалари ва маънавий-маърифий ишлар бўйича проректори, комиссия раиси
А.Иминов	—	Молия-иқтисод масалалари бўйича проректор, комиссия раиси ўринбосари
М.Парпиев	—	Бош бухгалтер, аъзо
Ш.Пўлотов	—	Маънавият ва маърифат маркази директори, аъзо
А.Рахимов	—	Молия-иқтисод бўлими бошлиғи, аъзо
А.Хундибаев	—	Шартномавий таълим бўлими бошлиғи, аъзо
М.Ўразалиев	—	Университет касаба уюшмаси раиси, аъзо
С.Абдуҳафизов	—	Ўзбекистон ёшлар иттифоқи бошланғич ташкилоти ёшлар етакчиси, аъзо
У.Ҳайдарова	—	Хотин-қизлар масаласи бўйича маслаҳат кенгаши раиси, аъзо
Э.Раҳматов	—	Хусусий ҳуқуқ факультети декани ўринбосари, аъзо
И.Исмоилов	—	Халқаро ҳуқуқ ва қиёсий ҳуқуқшунослик факультети тьютори, аъзо
К.Жўрабоев	—	Маънавият ва маърифат маркази услубчиси, комиссия масъул котиби